

Ro Ta Paulus Ibeede Pizin Galesia

1 ¹Nio Paulus, ngoŋana ki Yesu Krisi ta aŋbeede ro tiŋgi. Nio ti, tomtom sa iur yo, som iwe zaala pio pa uraata ta aŋkamam i na som. Som kat. Yesu Krisi itunu mi Tamaana Anutu ta ipei i ma burup ma imaŋga pa naala, ina ziru ta tiur yo pa uraata tio.^a

²Niamŋan toŋmatiziŋ kiti pakan ta niamŋan ambotmbot i, ta ambeede sua tiŋgi ima pa niom lupŋana boozomen ki Krisi ta kombot pa lele pakaana ki Galesia na.^b

³Tamanda Anutu mi Merere kiti Yesu Krisi ko tikampe yom, mi timboro yom ma kombot ambai. Ŋonoono.

⁴Krisi, ni ito Tamanda Anutu leleene, mi izem itunu ma imeete pa sanaana kiti, bekena itatke iti pa sanaana mburaana ta ilol toono pa mazwaana ti. ⁵Tana tapakur Anutu zaana totomen. Ŋonoono.

Uruunu ambaiŋana tamen ta imbotmbot

⁶Aiss, niom tina, nio aŋkam ŋgar piom ma aŋrao som. Anutu, ni ikampe yom pa Yesu Krisi zaana, mi iboobo yom ma kewe lene kek. Mi iŋgi parei ta karau men mi kakamam be kipizil ndemeyom pini, mi kakan la sua toro kizin wal pakan? ⁷Ŋonoono, zitun tiso sua kizin tana, ina uruunu ambaiŋana. Mi som. Pa uruunu ambaiŋana tamen ŋonoono ta imbotmbot. Nio kwonŋ imbol piom paso, wal pakan ta niomŋan kombotmbot na, tipiŋgisŋgis uruunu ambaiŋana ki Krisi, mi tikamam be tipakankaana ŋgar tiom.^c ⁸Tamen niom keleŋ la kalŋan pepe. Kere. Sombe tomtom sa iso yom pa sua ta ipa ndel pa uruunu ambaiŋana ta muŋgu amkam piom, na Anutu kete malmalŋana kini ko ise kini ma ila lene. Niam tiŋgi mi zin aŋela saamba kan tomimi. Sombe amkam ta kembei, na ambai be Anutu ipasaana yam ma amla leyam.^d ⁹Tana sua ta amso ma keleŋ kek. Mi iŋgi aŋpoto mini. Sombe tomtom sa ikam sua

^a 1:1 Ŋgo 9:15 ^b 1:2 Ŋgo 13:13–14:24, 16:1-6, 18:23 ^c 1:7 Ŋgo 15:1,24; 2Kor 11:3+

^d 1:8 1Kor 16:22

piom, mi sua kini ipa ndel pa uruunu ambaijana ta munju kakan la, na Anutu kete malmaljana kini ko ise kini ma ila lene.^e

¹⁰Lak. Sua tutjana ti, inji ankam bekena tomtom lelen ambai pa,^f som ankam bekena Anutu leleene ambai pa? Mi parei? Inji ankamam sua mbyeenejana bekena tomtom lelen pio? Som kat. Pa sombe ankamam men ta kembei, na nio mbesoojo nonoono ki Krisi som.^g

Krisi itunu ta ipaute Paulus pa uruunu ambaijana, mi iuri ma iwe ngojana

¹¹O niom tojmatizij tio, lelej be anpei ngar tiom mini ta kembei: Uruunu ambaijana ta munju ansoyara piom, ina ipet pa tomtom toono kana sa ngar kini som.^h ¹²Pa ina, nio ankam la ki tomtom sa som. Mi tomtom sa ipaute yo pa som. Som ma som kat! Yesu Krisi itunu ta iswe pio.ⁱ

¹³Mbulu ta munju ankamam indeeje antoto zin Yuda pa sunjana kizin mi mbulu kizin na, niom ko kelej sa kek. Zin wal tau timbot la lupjana ki Krisi na, anseeseze kat matan. Anmujai zin risa som. Pa ansombe anpambiriizi zin ma timap kat.^j ¹⁴Indeeje tana, anmujuumuju pa sunjana mi tutu tiam Yuda, mi anlip pa waerj bizin boozomen. Pa ansombe ankam ma ankam kat mbulu ki tumbuju bizin. Tanata ankam kaisiigi pa.^k

¹⁵⁻¹⁶Tamen, indeeje ta anaŋ ipeebe yo zen na, Anutu leleene iur pio kek be ikampe yo, mibe iboobo yo ma anwe lene. Mi kaimer ma indeeje nol ta ni itunu iur pio, tona iswe Lutuunu pio, mi injo yo ma anla be ansoyara Lutuunu uruunu pizin wal ta Yuda somjan i. Indeeje tau mbulu tana ipet na, anla anru tomtom sa be ikam ngar pio som.^l ¹⁷Mi zin wal ta tiwe ngojana munju ma timbotmbot Yerusalem na, zin tomini, anla be anre zin som. Kanjan ma anla anbot pa lele pakaana ki Arabia. Mana kaimer to, anmiili ma anla anbot kar Damaskus mini.

¹⁸Ndaama tel ilae, to ansala pa Yerusalem be anre Petrus. Ansala to, anbot kini pa aigule lamoro mata.^m ¹⁹Mazwaana tana, andeeje Yems, ta Merere tiziini i tomini. Mi zin ngojana pakan na, anre zin som.ⁿ ²⁰Sua ta anbeede piom ti, pakaamjana som. Anutu ire yo mi anso. ²¹Kaimer to anla anbot lele pakaana ki Siria mi Silisia.^o ²²Mi mazwaana tina, zin

^e 1:9 Tur 22:18+ ^f 1:10 Zin wal ta tipandelndel zin Galesia kan na, tingal sua pa Paulus ta kembei: Tiso ni itoto itunu ngar kini men mi ipingisngis uruunu ambaijana. Pa sua patajana kembei iti bela toto tutu ki Mose pa reetejana mi koroŋ ta boozomen, ina ni iturkewe, bekena ipamarra zaala ki Krisi pizin wal ta Yuda somjan i. Naso lelen pini mi tito ngar kini. Mi Paulus, ni iyok pa ngar kizin tana som kat. ^g 1:10 1Tes 2:4; Yems 4:4
^h 1:11 1Kor 15:1 ⁱ 1:12 1Kor 11:23, 15:1+; Ep 3:3 ^j 1:13 Injo 8:3, 26:9+; 1Tim 1:13
^k 1:14 Injo 22:3+; Pil 3:6 ^l 1:15-16 Mbo 139:13+; Injo 9:15; Ro 1:1 ^m 1:18 Injo 9:26+
ⁿ 1:19 Mt 13:55 ^o 1:21 Injo 9:30

lupņana ki Kriſi ta timbotmbot pa lele pakaana ki Yudea na, tiute yo som. ²³Tileņleņ uruņ men ta kembei: “To ta muņgu iseseeze matanda mi ikamam be ipasaana urlaņana kiti, ta koozi isu mini mi izzoyaryaara uruunu ambaiņana.” ²⁴Uunu tiņgi tabe zin tipakur Merere pa mbulu ta ipet pio na.

Paulus iso zin űgoņana pa uraata kini, mi zin tiyok pa men

2 ¹Nio aņbotmbot ma ndaama laamuru mi paņ ilae, mana niamru Panabas amsala mini pa Yerusalem. Mi aņkam Titus tomimi ma igaaba yam.^p ²Mazwaana tana, aņsala sorok som. Aņto ngar tau Anutu itunu iswe pio, tanata aņsala. Amsala to aņso zin pa uruunu ambaiņana ta aņzzoyaryaara pizin wal ta Yuda somņan i. Pa aņmoto: Kokena kaimer timaņga mi tipeleele yo, tona uraata ta aņkamam ta muņgu mi imar na, iur űonoono som. Tana niamņan zin wal ta tikamam peeze pa lupņana ki Kriſi na, niam men amlup yam mi aņso zin pa sua ta aņkamam pizin tomtom.

³Mi kere. Titus ta niamņan amsala na, ni Yuda som. Ni na, tomtom kizin Grik. Tamen lupņana tana timaņmaņi pa reeteņana som. Som kat.^q ⁴űonoono, tomtom pakan na, tisombe timaņmaņ Titus pa reeteņana. Tamen zin toņmatiziņ űonoono ki Kriſi som. Timar ma tigaaba yam sorok bekenā tireut yam. Pa tiute tau niam amurla ta kembei: Iti tomtom ta tesekap la ki Kriſi i, na Kriſi ikam ma kosa sa ipakaala iti pa Anutu mini som. Mi ina zin tiso tikam yam ma amwe mbesoņo sorok mini pa tutu mi mbulu kizin Yuda.^r ⁵Tamen niam amender mbolņana mi amzooro zin. Amleņ la kalņan risa som. Paso amoto: Kokena titatke sua űonoono ki uruunu ambaiņana piom wal ta Yuda som i.

⁶Tana niam amso zin pa uruunu ambaiņana ta amkamam pizin tomtom, mi zin wal ta zan bibip i tiyok pa men. Tileņ na, tipeleele som, mi tiseeņge pa sua toro sa som. Mi kozobe tiyok pa som, na nio irao aņkam ngar pizin na som. Pa sombe tomtom zaanaņana, som sorokņana, som pareiņana, na nio ti aņninin koroņ ta kembei som. Pa Anutu tomimi ininin som.^s

⁷Mi zin bibip tana tikilaala yo ta kembei: Nio, Anutu iur uraata imar nomoņ be aņsoyaara uruunu ambaiņana pizin wal ta Yuda somņan i, kembei ni iur uraata ila Petrus namaana be isoyaara uruunu ambaiņana pizin Yuda.^t ⁸Pa Anutu iur yo ma aņwe űgoņana pizin wal ta Yuda somņan i, mi ipombolmbol yo pa uraata ta aņkamam pizin, raraate kembei ta iur Petrus ma iwe űgoņana pizin Yuda, mi ipombolmboli pa uraata ta ni ikamam pizin. ⁹Tana Yems, Petrus, mi Yoan, ta zan bibip mi

^p 2:1 űgo 11:27+, 15:2 ^q 2:3 űgo 16:3 ^r 2:4 űgo 15:24; 2Kor 11:20,26; Pil 3:2+

^s 2:6 űgo 10:34; Ro 2:11; 2Kor 12:11 ^t 2:7 űgo 22:21; Ro 11:13+

tiwe mataana pa uraata ki Anutu na, tikilaala yo ta kembei: Anutu itunu ta ikampe yo mi iur uraata biibi taingi imar nomoŋ. Mi lelen ambai pa uraata tio, tana niamŋan ampateege nomoyam. Paso, amre yam kembei niamŋan amkamam uraata tamen tau. Mi niamŋan amyok raraate be niamru Panabas amla pa lele kizin wal ta Yuda somŋan i be amkam uraata pizin. Mi zin na, timbot be tikam uraata pizin Yuda.

¹⁰Mi koronŋ tamen ta lelen pa be amkam. Sombe amla na, motoyam iŋgalŋgal be amseŋgeere ulaaŋa pakan pa wal kizin ta timbot ŋoobo na. Mi mbulu ta kembei, ta aŋkamam mi aŋkamam men i.^u

Paulus iŋasaara Petrus

¹¹Mi indeeŋe Petrus isula pa kar Antiok na, nio aŋso kat sua pini ila iwal biibi matan. Paso, ni ikam ŋoobo kat. ¹²Pa mungu, ni ziŋan zin wal ta Yuda somŋan i tikanan kini ila mbata. Tamen indeeŋe ta Yems iŋgo tomtom kini pakan ma timar na, Petrus izem zin wal ta Yuda somŋan i, mi ziŋan tiparluplup zin mini som. Paso, ni imoto zin wal ta timbolmbol pa reeteŋana mi tutu ki Mose na.^v ¹³Mi ni itutamem som. Zin urlaŋana kan pakan ta Yuda i, tisu na tikam pakaamŋana raraate men. Tabe Panabas tomimi, tipakankaani ma igaaba zin pa pakaamŋana kizin tana.

¹⁴Mi nio aŋre zin kembei tipaŋoobo kat pa sua ŋonoono ki uruunu ambaiŋana. Tana aŋso kat pa Petrus ila iwal biibi matan ta kembei. Aŋso: “Nu tina na Yuda. Tamen mbulu kizin wal ta Yuda somŋan i, na nu toto. Mi iŋgi parei ta su mi tooru mini. Mbulu ku tana ko ikam ma zin wal ta Yuda somŋan i tikam ŋgar ta kembei: Zin tomimi bela tito zin Yuda pa mbulu kizin.”^w

Urlaŋana ta iwe zaala piti be tewe ndeeŋeŋanda pa Anutu mataana

¹⁵Ayo. ŋonoono, niam ta amyooto pizin Yuda na, amololo tutu kembei niom wal ta Yuda somŋoyom i som. ¹⁶Mi niam amute: Mbulu ki tutu toŋana ko irao ikam tomtom sa ma iwe ndeeŋeŋana pa Anutu mataana na som. Pa bela tuurla ki Yesu Kresi, to iwe zaala piti ma tewe ndeeŋeŋanda pa Anutu mataana. Uunu tina ta niam Yuda tomimi amtoto zaala ki urlaŋana, mi ampase pa Yesu Kresi men be ikam yam ma amwe ndeeŋeŋoyam pa Anutu mataana. Mi mbulu ki tutu toŋana na, ampase pa mini som. Pa ina irao iwe zaala pa tomtom sa be iwe ndeeŋeŋana pa Anutu mataana na som.^x

¹⁷Tana iŋgi niam Yuda ampase pa Yesu Kresi men be ikam yam ma amwe ndeeŋeŋoyam pa Anutu mataana. Mi mbulu ki tutu toŋana na, ampase pa mini som. Mi parei, sombe ampase pa Yesu Kresi men, ko

^u 2:10 ŋgo 11:29+; Ro 15:25; 1Kor 16:1; 2Kor 8:1+, 9:1+ ^v 2:12 ŋgo 11:3

^w 2:14 1Tim 5:20 ^x 2:16 ŋgo 13:38+, 15:10+; Ro 1:17, 3:20, 28; Ga 3:11

ikam yam ma amsu mini mi amolo Anutu tutu kini? Som kat. Kena, so Yesu Krisi iwe uunu pa sanaana kamņana!^y ¹⁸Mi kere. Kokena totooro ŋgar kiti mi tapamender mini zaala ki tutu ta tezem kek na. Pa sombe tapase pa zaala tana, inako tewe sananņanda pa Anutu mataana mini.

¹⁹⁻²⁰Nio aņmap pa zaala ki tutu kek. Pa indeeņe Krisi imeete sala ke pambaaraņana, mi ibaada sanaana tio ka kadoono ta tutu iso pa na, ina kembei nio tomini aņmeete raami bekena aņkam mbotņana ta ki Anutu i. Mi mbotņana tio ta koozi na, ituņ aņborro mini som. Pa Krisi ta imbotmbot la leleņ i, ta imborro yo. Tana urlaņana tio, ta ikamam peeze pa mbotņana tio isu toono ti. Pa nio aņurla ki Anutu Lutuunu ta iur leleene pio, mi izem itunu ma imeete pio.^z ²¹Tana nio irao aņpizil ndemeņ pa kampeņana mi muņaiņana ki Anutu na som. Pa sombe tutu irao ikam ti ma tewe ndeeņeņanda pa Anutu mataana, na Krisi imeete sorok.^a

Tutu itooro zin Galesia kan som, mi ikam Bubuņana pizin som

3 ¹O niom Galesia koyom, niom tina katalli kat! Asiņ ipakankaana ŋgar tiom? Muņgu niam amso yom pa Yesu Krisi ma kembei ta ituyom kombot mi kere i tipuni sala ke pambaaraņana.^b ²Lak, aņso aņwi yom pa koroņ ta. Niom kakam Anutu Bubuņana be parei? Kototo tutu ta ni izeebe yom, som keleņ uruunu ambaiņana mi kuurla men?^c ³Niom tina, ŋgar tiom ikankaana kat! Indeeņe ta Anutu ikam uraata piom mata popoten, mi ikam yom ma kewe lene na, kapase pa Bubuņana mburaana. Mi iņgi parei ta kusu mini, mi koso kapase pa ituyom mburoyom mi mbulu tiom be iurpe yom ma kewe ŋgeezeņoyom kat? ⁴Ko mbulu boozomen ta ipet piom kek na iwe koroņ sorok? Som! ⁵Mi parei? Anutu izebzebe yom pa Bubuņana, mi ikamam mos bibip ila mazwoyom pa so uunu i? Niom kototo tutu ta ni ikamam, som kuurla men uruunu ambaiņana?

Abaraam ipatooņo iti pa zaala ki urlaņana

⁶Motoyom imiili pa Abaraam. Sua ki Anutu iso parei pini? Iso: Abaraam iurla ki Anutu, tanata Anutu ipomoozi, mi ire i kembei ni tomtom ndeeņeņana.^d

⁷Tana iti tuute: Abaraam popoņana kini ŋonoono, ina zin tomtom ta tiurla.^e ⁸Mi sua ki Anutu iso muņgu kek ta kembei: Urlanņana ko iwe zaala pizin wal ta Yuda somņan i be Anutu ikam zin ma tiwe ndeeņeņan pa ni mataana. Pa Anutu iso uruunu ambaiņana pa Abaraam ma iso:

^y 2:17 Ga 5:22+ ^z 2:19-20 Yo 13:1; Ro 6:6,11, 7:6; 2Kor 5:15 ^a 2:21 Ibr 7:11

^b 3:1 Ga 5:7 ^c 3:2 Iņgo 2:38; Ro 10:16+; Ep 1:13 ^d 3:6 Un 15:6; Ro 4:3; Yems 2:23

^e 3:7 Yo 8:39; Ro 4:11+

Nu ko we zaala pa wal ta boozomen be tikam kampejana ambaijana.^f

⁹Tana zin wal ta so titoto zaala ki urlajana kembei ta Abaraam, inako tikam kampejana ambaijana kembei ta munju Abaraam ikam na.^g

Zaala ki tutu tojana na, ka patajana biibi

¹⁰Zin wal ta so tipase pa zaala ki tutu be ikam zin ma tiwe ndeejan pa Anutu mataana, inako tindeje patajana biibi. Pa Anutu kete malmajana kini ko imbotmbot se kizin. Ka sua tibeede pataja kek ta kembei:

Koron boozomen ta tibeede se ro ki tutu na, niom bela kototo ma imap kat. Mi zin wal ta so tikam ta kembei som, inako tindeje patajana biibi. Pa Anutu kete malmajana kini ko imbotmbot se kizin.^h

¹¹Tana mbulu ki tutu tojana ko iwe zaala pa tomtom sa be iwe ndeejana pa Anutu mataana na som. Ina imbot mat. Pa sua ki Anutu iso ta kembei:

Tomtom ta sombe iurla, nako iwe ndeejana mi ikam mbotjana ta ki Anutu i.ⁱ

¹²Mi zaala ki tutu tojana na, ipa ndel kat pa zaala ki urlajana. Pa zaala ki tutu iso ta kembei:

Tomtom ta sombe ito kat mbulu ta boozomen tinji, nako imbot ambai.^j

¹³Tana tutu ikam ma Anutu kete malmajana kini imbotmbot se kiti. Tamen Yesu, ni itatke iti pa patajana tana. Pa ikam murindi mi ibaada Anutu kete malmajana kini sala ke pambaarajana kek. Ka sua imbot pataja ta kembei:

Tomtom ta sombe tipuni sala ke, na Anutu kete malmajana kini ko imbot se kini.^k

¹⁴Mi mbulu tana, Krisi ikam bekena kampejana ta munju Abaraam ikam na, ise kizin wal ta Yuda somjan i tomini. Naso urlajana kiti iwe zaala piti, mi takam Bubuana ta munju Anutu imbuk sua pa na.^l

Tutu irao iyembut sua mbukjana som. Pa sua mbukjana ipet munju, mana tutu

¹⁵O niom tojmatizij tio, inji be ankam sua toorajana pa mbulu ta gorgori iwedet i. Sua mbukjana ta topombol ma imbol kat, na kaimer

^f 3:8 Un 12:3, 18:18, 22:18; Ijgo 3:25 ^g 3:9 Ro 4:16 ^h 3:10 Lo 27:26 ⁱ 3:11 Hab 2:4; Ro 1:17; Ga 2:16; Ibr 10:38 ^j 3:12 Wkp 18:5; Ro 10:5 ^k 3:13 Lo 21:23; Ro 8:3; 2Kor 5:21
^l 3:14 Yo 20:22; Ijgo 2:33

tomtom toro sa ko irao iyembut sua tana, som iseenge pa sua pakan na som. Paso, sua tana imbol kek. ¹⁶Ayo, takam ngar pa sua ta mungu Anutu imbuk la ki Abaraam na. Sua ki Merere iso parei? Iso Anutu imbuk sua tana pa Abaraam mi popoꝓana kini. Iso pa popoꝓana boozo som. Iso pa tamen ɲonoono. Mi ina Krisi tau.^m ¹⁷Sua tio ti na, ka uunu ta kembei: Anutu imbuk sua pa Abaraam, mi ndaama boozo kat (430) imap mana, ikam tutu pizin Israel. Tana tutu irao iyembut sua mbukꝓana tana na som. Pa imar kaimer.ⁿ ¹⁸Mi kere. Sombe mbulu ki tutu toꝓana ta iwe zaala piti be takam matamur ki Anutu, inako parei pa sua mbukꝓana tana? To iwe koron sorok. Mi som. Pa Anutu ikampe Abaraam, mi imbuk sua pini be ikam matamur tana pini sorok.^o

Uunu ta Anutu ikam tutu piti

¹⁹Mi kena uunu parei ta Anutu ikam sua mbukꝓana munꝓu, mana isu mini mi ikam tutu piti? Inꝓi ko aꝓso ka uunu. Anutu iur tutu bekena ipei ngar kizin tomtom ma tikilaala sanaana kizin, mibe iyaraama sanaana kizin. Mi isombe tutu tina ko imbol ma imbot ma irao popoꝓana^p tau ni imbuk sua pini na imar. Tutu na, zin aꝓela ta tikam la ki Mose, to ni kadoono ikam pizin Israel.^q ²⁰Mi sua mbukꝓana na, Abaraam ileꝓ la ki Anutu itunu kwoono. Wal toro sa tiwe zaala pa som. Pa Anutu tamen ta imbotmbot.^r

²¹Mi parei, ko sua mbukꝓana ki Anutu mi tutu kini tiporrou? Som. Sombe tutu ta takam kek na irao iwe zaala piti be takam mbotꝓana ta ki Anutu i, so tewe ndeeꝓanda pa zaala ki tutu. ²²Mi inꝓi som. Pa sua ki Anutu iso kat ta kembei: Iti ta boozomen na, kembei zin wal tau timbotmbot lela ruumu sanaana leleene. Pa sanaana ikis ti lup, ma lende zaala sa som. Naso tuurla ki Yesu Krisi, mi urlaꝓana kiti iwe zaala piti be takam koron ambaiꝓana ta munꝓu Anutu imbuk sua pa na.^s

²³Tana indeeꝓe zaala ki urlaꝓana ipet mat zen na, tutu ta imborro iti. Ikiskis ti ma kembei ta tombotmbot lela ruumu sanaana leleene. Mi tombot ta kembei ma irao Anutu iswe zaala ki urlaꝓana ma ipet kat mat.^t ²⁴Kakam ngar pizin mbesooꝓo ta timborro zin pikin ma irao tiwe tomtom na. Ina kembei ta uraata ki tutu. Pa Anutu iur tutu be imborro iti, mibe ikam ti ma tala ki Krisi. Naso tewe ndeeꝓanda pa zaala ki urlaꝓana.^u ²⁵Mi inꝓi zaala ki urlaꝓana ipet kek, tana tombot la zaala ki tutu mini som.^v

^m 3:16 Un 12:7, 22:18, 24:7 ⁿ 3:17 Un 15:13+; Kam 12:40+; Inꝓo 7:6 ^o 3:18 Ro 4:13+, 11:6
^p 3:19 Popoꝓana ti, ni Krisi. ^q 3:19 Yo 1:17; Inꝓo 7:38,53; Ro 5:20, 7:7
^r 3:20 1Tim 2:5; Ibr 8:6, 9:15, 12:24 ^s 3:22 Ro 3:9+, 11:32; Ga 3:14 ^t 3:23 Ga 4:3; Ibr 9:10 ^u 3:24 Inꝓo 13:39; Ro 10:4 ^v 3:25 Ro 7:6, 10:4; Ibr 7:18, 8:13

Zin wal ta tiurla ki Krisi, ta tiwe Anutu lutuunu bizin

²⁶Niom wal ta kesekap la ki Yesu Krisi i, na urlajana ta iwe zaala piom ta boozomen ma kewe Anutu lutuunu bizin.^w ²⁷Pa niom wal ta kakam yok bekena kesekap la ki Krisi na, Krisi iwe kembei ta kawaala kokoujana be ipakaala yom ta boozomen. Pa kakami raama mbulu kini ma iwe leyom kek.^x ²⁸Mi niom ta boozomen na, raraate men pa Anutu mataana. Sombe niom Yuda, som Yuda som, som tomtom ŋonoono, som sorrokjyom, som moori, som tomooto, ina koronj sorok. Pa Yesu Krisi ilup yom ta boozomen ma kewe tamen kek.^y ²⁹Mi sombe kewe Krisi lene, na kewe Abaraam popojana kini tomini, mi zoyom pa matamur ta muŋgu Anutu imbuk sua pa na.^z

Krisi itatke iti pa patajana ki tutu, mi ikam ti ma tewe Anutu lutuunu bizin

4 ¹⁻²Sua tio ti na, ka ŋgar ta kembei: Pikin tasa, sombe zaana be ikam koronj ta boozomen ki tamaana i, nako ikam loja som. Ŋonoono, ni zaana pa koronj tana. Tamen indeeje ni nanjanjana na, tikam pini be imboro som. Tana tere i na, kembei ta mbesoojo i. Pa wal pakan timborro i ramaki koronj kini. Mi ni ko imbot ta kembei ma ila indeeje nol ta tamaana iur pini be ikam koronj kini, to ikam. ³Ina raraate piam Yuda. Muŋgu, niam kembei ta zin pikin. Mazwaana tana, niam amwe mbesoojo pa tutu munmun boozomen ta iso pa mbotjana tiam ta ki toono ti.^a ⁴Ma ila indeeje ka nol ipet, tona Anutu iŋgo itunu Lutuunu ma isu toono. Naana ipeebi ma isu kembei ta iti. Mi ni ito tutu ma imap,^b ⁵bekena ikamke yam wal ta ambot la zaala ki tutu na. Tana iŋgi amwe mbesoojo sorok mini som, mi amwe Anutu lutuunu bizin kek.^c

⁶Mi niom tomini kewe Anutu lutuunu bizin kek. Tanata Anutu iŋgo Lutuunu Bubujana ma izeebe yom. Mi Bubujana tana, ta izzo piom ta kembei: “Niom Tomoyom ta Anutu.” Tana ikamam yom ma kozzo ta kembei: “O Tamaŋ.” ⁷Tana koozi kewe mbesoojo sorok mini som. Pa Anutu ikam yom ma kewe lutuunu bizin kek. Mi sombe ni lutuunu bizin niom, na zoyom pa matamur kini tomini.^d

Mbulu kizin Galesia ikam ma Paulus imoto

⁸Muŋgu niom tina kuute Anutu som, mi kembesmbeeze pa merere pakaamjan boozo ta Merere ŋonoono som na.^e ⁹Mi koozi na, kewe Anutu

^w 3:26 Yo 1:12; Ro 8:14+ ^x 3:27 Ro 6:3, 13:14 ^y 3:28 Yo 10:16; Ro 10:12+; 1Kor 12:13; Kol 3:11 ^z 3:29 Un 21:12; Ro 9:7+ ^a 4:3 Ga 3:23; Kol 2:20 ^b 4:4 Un 3:15; Mt 5:17; Yo 1:14; Ep 1:10 ^c 4:5 Yo 1:12; Ro 8:14+; Ga 3:13; 1Pe 1:18+ ^d 4:7 Ro 8:17; Ga 3:29
^e 4:8 1Kor 8:4+, 12:2; Ep 2:11+

lene mi kuute i kek. E-e, ina aŋso ŋoobo. Niom som. Ni itunu ta iute yom, mi ikam yom ma kewe lene. Nakena parei ta niom kosombe kimiili mini ma kewe mbesooŋo pa koroŋ soroksorok ta irao be iuulu yom som i.^f ¹⁰Pa iŋgi kapakurkur aigule, puulu, gorgor, mi ndaama pakan kembei ta zin Yuda na. ¹¹Mbulu tiom tana ikam yo ma aŋmoto. Kokena uraata biibi ta aŋbel piom na iwe koroŋ sorok.^g

Paulus itaŋroro zin Galesia kan

¹²O niom toŋmatizij tio, nio aŋtaŋroro yom. Kotooro ŋgar tiom mi kewe kembei ta nio i. Pa nio tomini aŋwe kembei niom wal ta Yuda somŋoyom i kek. Kere. Muŋgu niom kakam ŋoobo mbulu sa pio som. ¹³Motoyom ila pa ta muŋgu na. Indeeŋe ta aŋsoyaara uruunu ambaijana piom mata popoten na, mete biibi ikam yo.^h ¹⁴Mi mete tio tana ikam patajana biibi piom. Tamen kitit yo som, kerepiili yo som. Mi kakam yo, mi kisiibi yo se nomoyom keteene ma kembei ta nio aŋela sa. Mi kere yo kembei ta Yesu Kriisi. ¹⁵Indeeŋe tana, niyom ise mi leleyom ambai kat. Mi koozi na som. Ka uunu parei? Mi indeeŋe tana na, leleyom pio ilip. Sombe aŋbot ŋoobo pa kosa sa, na kakam pio men. Irao kuruutu na som. ¹⁶Mi parei? Iŋgi aŋso kat sua ŋonoono piom, ta kere yo kembei koyom koi?

¹⁷Zin wal ta aŋsope yom pizin na, zin tikamam kinkiini be tikam leleyom. Tamen ŋgar kizin ambai som. Pa tisombe tikam yom ma kezem yo, mi kagaaba zin. ¹⁸Gorgori, iti sombe lelende ilip pa koroŋ ambaijana mi takam kinkiini pa, ina ambai. Tana nio sombe aŋbot, som aŋbot som, na kakamam ta kembei. ¹⁹O lutuŋan, parei ta kakam patajana biibi pio mini? Mbulu tiom tana ikam yo ma aŋyamaana yoyoujana kembei moori ta ikamam be ipeebe pikin i. Mi ko aŋyamaana ta kembei ma irao urlaŋana tiom ise ma iwe biibi, mi ŋgar ki Kriisi imbol la leleyom.ⁱ ²⁰O niom, lelej be aŋyaamba yom som. Mi ko aŋso parei piom? Kena so itijan tombotmbot lak!

Mbulu ta ipet pa Agar mi Sara na, ipatoŋo ito pa zaala ki tutu mi zaala ki urlaŋana

²¹Niom wal ta kosombe koto zaala ki tutu na, niom kuute som? Sua ki Merere iso ta kembei: ²²Abaraam, ni lutuunu bizin ru. Ta na, mbesooŋo moori kini Agar ipeebe. Mi toro na, kusiini ŋonoono Sara ta ipeebe.^j ²³Mbesooŋo moori lutuunu na, ipet pa zaala ta iti ta boozomen tewedet pa i. Mi kusiini ŋonoono lutuunu, ina ito sua mbukjana ki Anutu ma ipet.^k

^f 4:9 Ro 8:3; 1Kor 8:3; Kol 2:20; Ibr 7:18 ^g 4:11 Ro 14:5; Kol 2:16 ^h 4:13 1Kor 2:3

ⁱ 4:19 Ro 8:29; 1Kor 4:15 ^j 4:22 Un 16:15, 21:2 ^k 4:23 Un 17:16+, 18:10+; Ro 9:7+; Ibr 11:11

²⁴Sua tana, ina kembei ta sua toorojana. Moori ru tana timender pa zaala ru ta Anutu iur pizin tomtom. Zaala ta, ipet pa abal Sinai. Ina zaala ki tutu. Zaala tana ipiyotyooto zin wal ta mbesooŋo sorok. Mi Agar ta imender pa zaala tana.¹ ²⁵Abal Sinai, ina imbot pa lele pakaana ki Arabia. Tana Agar, ni imender pa abal tina mi kar Yerusalem ta koozi imbotmbot su toono i. Paso, kar tana lutuunu bizin tiwe mbesooŋo sorok pa tutu. ²⁶Tamen Yerusalem ŋonoono ta kor a, lutuunu bizin tiwe mbesooŋo som. Mi Yerusalem tana, ta iwe kembei ta iti nanda na.^m ²⁷Ina kembei ta sua ki Anutu iso:

Nu moori ta kopom somŋom na, lelem ambai lak!

Mi nu ta yamaana yoyoujana ki pepe zen na, kalŋom izalla mi lelem ambai!

Pa moori ta kusiini izemi ma imborene sorok na,

Anutu ko iur le zaala be ikam pikin boozo ma tilip pa moori kusiinijana lutuunu bizin.ⁿ ²⁸O niom toŋmatizij tio, niom tina kembei Sara lutuunu Isak. Pa sua mbukjana ta iwe zaala piom ma kewe Anutu lutuunu bizin kek.^o ²⁹Mi motoyom ila pa mbulu ta muŋgu Ismael ikam pa Isak na. Pa pikin ta ipet pa zaala ta iti ta boozomen tewedet pa i, na ikam patajana pa pikin ta ipet pa Bubujana mburaana na. Mi ina raraate kembei mbulu ta koozi iwedet piti i.^p ³⁰Mi sua ki Anutu iso parei?

Iso:

Ziiri mbesooŋo moori ziru lutuunu ma tila len. Pa mbesooŋo moori lutuunu ko irao igaaba lutum ŋonoono, mi ziru tiparpeete matamur ku ma len len na som.^q

³¹Tana niom toŋmatizij tio, iti mbesooŋo moori lutuunu bizin som. Pa iti nanda, ni mbesooŋo moori som.^r

Sombe tapase pa tutu, nako teyebut itundu pa Krisi

5 ¹Tana iti tewe mbesooŋo mini som. Pa Krisi itatke iti pa patajana ki tutu kek. Tana kemender mboljana. Kokena kezem wal pakan mi tikam yom ma kewe mbesooŋo mini.^s

²Keleŋ. Nio Paulus aŋso kat yom ta kembei: Sombe keleŋ la wal tana kaljan pa reetejana, na uraata ki Krisi ko irao iuulu yom som.^t

³Nio aŋso mini. Tomtom sa, sombe leleene be ito zaala ki reetejana mi tutu, na ni bela ito kat tutu ma imap, tona imbot ambai pa Anutu mataana.^u ⁴Tana kere yom. Pa tomtom ta so ipase pa tutu be ikami ma

¹ 4:24 Ro 8:15; Ibr 8:9+ ^m 4:26 Ibr 12:22; Tur 3:12, 21:2,10 ⁿ 4:27 Yesa 54:1

^o 4:28 Ro 9:7+ ^p 4:29 Un 21:9; Ga 5:11, 6:12 ^q 4:30 Un 21:10; Yo 8:35 ^r 4:31 Ga 3:29, 5:1,13

^s 5:1 Yo 8:32,36; Ro 6:18, 7:6; Ga 2:4, 5:13; 1Pe 2:16 ^t 5:2 Iŋgo 15:10,11

^u 5:3 Ro 2:25, 4:4; Ga 3:10

iwe ndeerjajana pa Anutu mataana, na iyembut itunu pa Krisi, mi ipizil ndemeene pa kamperjana mi muñajana ki Anutu.^v

⁵Mi iti ta tototo zaala ki urlañana na, Bubujana ipombolmbol ti be tuur matanda pa koronj ambaijana tabe Anutu ikam pizin wal ndeerjan.^w ⁶Mi sombe tesekap la ki Yesu Krisi, inako takam ngar biibi pa reetjana mi koronj ta kembei mini som. Pa sombe tireete iti, o tireete iti som, ina koronj sorok ki kulindi. Mi urlañana ta ipiyotyooto mbulu ki lelende par piti, ina koronj ñonoono.^x

⁷⁻⁸Munju na, urlañana tiom iloondo ambai. Mi inji asinj ta imar mi ipandelndel yom ma kezem zaala ki sua ñonoono? Mbulu tina imar pa Anutu ta iboboobo yom i som.^y ⁹Tana kere yom pa wal tana mi ngar kizin. “Pa yis musaari kat, ina irao izil pa palawa biibi ma imap.”^z ¹⁰Mi Merere, ni ipombol yo ma añurla ta kembei: Ni ko ipazal yom ma koto ngar tio. Mi tomtom ta sombe ipakankaana ngar tiom na, ni tana ko ire ka kadoono.^a

¹¹O niom toñmatizij tio, nio añute. Wal pakan tingalngal sua pakaamjana pio, mi tizzo nio ituñ añso pizin tomtom be tito zaala ki reetjana mi tutu. Lak, sombe añkamam ta kembena, ko tomtom tiseeze motoñ kembei ta tikamam i? Som. Pa sombe añkamam ta kembei, so sua ta añzoyaryaara pa meetjana ki Yesu sala ke pambaarajana na, ipasaana tomtom lenen mini som.^b ¹²Zin wal ta tipakankaana ngar tiom, mi timañmaj yom pa reetjana na, nio añso iyembut zitun kulin tana ma put kat to ambai!

Zaala ki Bubujana, mi mbulu ki lelende munjujana

¹³O niom toñmatizij tio, ñonoono, Anutu iboobo yom ma kewe lene kek, mi isombe niom kewe mbesoonjo pa tutu mini som. Mi kere: Kokena iwe uunu piom be kusu mi koto mbulu ki leleyom munjujana. Kakam kembena pepe. Kuur leleyom par piom mi kaparmbesmbeeze piom.^c ¹⁴Pa tutu ta munjaana men, ta timap timbot la tutu lwoono ti leleene: Ur lelem pizin tomtom kembei ta lelem pa itum. Tana takam ta kembena, to tipiyooto tutu ka mbulu ñonoono.^d ¹⁵Tamen mbulu tiom pakan na, kembei zin me sañsañjan ta tiparkamam malmal mi tiparkanan zin. Kere: Kokena konoknok mbulu ta kembei, to kapasaana lupjana tiom ma isaana kat.

¹⁶Tana nio añso piom ta kembei. Kapa pai tiom mi koto peeze ki Bubujana. Naso karao be kayaraama ituyom, mi koto leleyom

^v 5:4 Ga 2:21 ^w 5:5 Ro 8:24+; 2Tim 4:8 ^x 5:6 1Kor 7:19; Ga 6:15; Kol 3:11; Yems 2:18+ ^y 5:7-8 1Kor 9:24; Ga 1:6, 3:1 ^z 5:9 1Kor 5:6 ^a 5:10 2Kor 11:15; Ga 1:7
^b 5:11 1Kor 1:23; Ga 6:12 ^c 5:13 1Kor 8:9, 9:19; 1Pe 2:16 ^d 5:14 Mt 22:37+;
 Ro 3:31, 13:8+; Yems 2:8

munḡuḡana mini som.^e 17 Iḡonoono, gorgori lelende munḡuḡana ziru Bubunḡana tiparwe kan koi mi tiporrou. Pa mbulu ta Bubunḡana leleene pa i, na lelende munḡuḡana izorzooro pa. Mi mbulu ta lelende munḡuḡana isombe ikam, na Bubunḡana izorzooro pa. Tabe ikam ma karao be kakam kat mbulu ta leleyom pa i som.^f 18 Tamen sombe kototo peeze ki Bubunḡana, inako kombot la zaala ki tutu mini som.^g

19 Mbulu ta lelende munḡuḡana ipeyei, ina iti tuute lup kek. Mbulu ta kembei: Mbulu kizin me ma ḡge, mbulu ta inḡeeze som, mbulu ki tayaraama itundu som mi tala men pa mbulu sananḡana ki kulindi,^h 20 tembesmbeeze pizin merere pakaamḡan, takamam yaamba, tu'urur koi pizin tomtom, taparzorzooro, matanda mburmbur, lelende tataḡa, takam ḡgar pa itundu men, taparyanḡwiiri ti ma tewe uunu boozo, 21 matanda berber, tiwinin ma tagadgaada, itinḡan waende bizin taparkere iti ma takam mbulu bozboozo, mi mbulu sananḡan boozomen ta irao be tinin na som. Sua ta munḡu anḡo piom, ta inḡi anḡpoto mini: Zin wal ta so tikamam ta kembei, inako tirao be timbot la Anutu peeze kini mi tilela kar kini na som.ⁱ

22 Mi Bubunḡana, ni ipeyei mbulu ta kembei: Lelende par piti, lelende ambai kat pa mazwaana ta boozomen, takamam mbulu luumuḡana mi itinḡan waende bizin taparlup ti ma tewe tamen, topokotkot mbulu sananḡana som, takampewe zin tomtom, tumunḡainḡai zin tomtom, tototo sua kiti mbukḡana,^j 23 tokototo itundu, lende ḡger pizin tomtom, mi tayaramraama itundu. Kere: Mbulu ta kembei, ta tutu izzo pa na.^k 24 Tana zin tomtom ta tiwe Yesu Kriisi lene kek na, zin kembei tipunmeete lenen munḡuḡana ramaki mbulu sananḡan boozomen ta nin izze pa i, sala ke pambaaranḡana ma imeete kek.^l 25 Mi Bubunḡana ta ikamam mbotḡana ki Anutu piti. Tana iti bela tapa pai kiti ma indeeḡe men pa peeze kini.^m 26 Mi so kembena, na iti irao takam kinkiini pa itundu zanda be iwe biibi pepe, tapamalmal waende bizin keten pepe, mi matanda berber pa waende bizin pepe.ⁿ

Wal ki Kriisi bela tiparuulu zin

6 1 O niom tonḡmatizij tio, sombe tomtom tiom sa itop pa sanaana, na niom ta kototo ḡgar ki Bubunḡana i, kala ma kapazali. Mi kapamianḡi pepe. Leyom ḡger pini. Mi kere yom: Kokena toomboḡana ise tiom tomini.^o 2 Tana kaparuuluulu yom, mi ku'uluulu waeyom bizin be

^e 5:16 Ro 6:12, 8:4, 13:14; 1Pe 2:11 ^f 5:17 Ro 7:15+, 8:6+ ^g 5:18 Ro 6:14, 8:2,14
^h 5:19 Ro 13:13+; 1Kor 3:3, 6:9+; Ep 5:3+; Kol 3:5 ⁱ 5:21 Tur 22:15 ^j 5:22 1Kor 13:7;
 Ep 5:9; Kol 3:12 ^k 5:23 Ro 3:31; Ga 5:14; 1Tim 1:9 ^l 5:24 Ro 6:6+, 13:4; Kol 3:5;
 1Pe 2:11 ^m 5:25 Ro 8:4+, 12+ ⁿ 5:26 Ro 12:10+; Pil 2:3 ^o 6:1 Mt 18:15; 2Tim 2:25;
 Yems 5:19

tibaada pataņana kizin. Naso koto kat tutu ki Krisi.^p ³Sombe tomtom sa indemeere kembei ni irao kat pa mbulu ki Anutu, na ni ipakaam itunu.^q ⁴Mi kere. Sombe mbulu kiti pakan ilip pa waende bizin mbulu kizin, na tapakur itundu pa koronj tana pepe. Iti tataņa titiiri itundu. Sombe mbulu kiti indeeņe Anutu sua kini, na lelende ambai pa. Mi matanda la pa waende bizin mbulu kizin pepe. ⁵Pa itundu tataņa lende pataņana be tabaada.^r

Koronj pareiņana ta so tawaswaaza, inako ise ma takan

⁶Sombe tomtom sa ikamam ŋgar pu pa sua ki Anutu, na nu lem uraata be kam koronj ku ambaimbaiņan pakan pini tomini.^s

⁷Mi kerre yom! Kokena koso karao be kapakaam Anutu. Som. Pa kini pareiņana ta so tapaaza, nako ise ma takan.^t ⁸Tana iti sombe tawaswaaza koronj ta ipombolmbol lelende munguņana i, inako ipiyooto ŋonoono sananņana ta kembei: Ipaana iti ma tala lende. Mi sombe tawaswaaza koronj ta irao pa Bubuņana leleene mi ŋgar kini, inako tere ka ŋonoono ta kembei: Bubuņana ko ikam lende mbotņana ki Anutu tabe iseņge iseņge ma ila.^u ⁹Tana iti tegesges pa mbulu ambaiņana pepe. Pa sombe tezem som, mi tonoknok men ma irao ka nol, inako tere ka ŋonoono.^v ¹⁰Tana sombe iti tarao be tu'uulu tomtom sa, na loņa mi tu'uuli. Mi so zin wal urlaņan, to matanda ingal kat be tu'uulu zin. Pa ina, zin kembei ta iti toņmatiziņ kiti i.^w

Sua pemetņana

¹¹Kere bude tio bibip ti ta ituņ aņbeede i. ¹²Zin wal ta timaņmaņ yom pa reeteņana na, iņgi be aņso yom pa mbulu kizin ka uunu ŋonoono. Zin tikamam men be tomtom tiwit urun. Mi timototo tomini: Kokena timender mbolņana pa ke pambaaraņana ki Yesu Krisi, to zin wal ta tiurla ki Krisi som na tikam pataņana pizin.^x ¹³Mi kere. Zin wal ta timbol pa reeteņana na, zitun titoto kat tutu som. Mi iņgi timaņmaņ yom pa reeteņana paso, lelen be tikam yom ma kagaaba zin. Naso nin se pa mbulu ta tiso tikam pa kuli yom na.

¹⁴Mi nio na, Yesu Krisi itutamen ta imeete sala ke pambaaraņana, ta ikam yo ma niņ se. Koronj toro sa som. Pa meeteņana kini ta ikam yo ma aņmap pa mbulu mi ŋgar ki toono. Pa aņre ituņ kembei aņmeete raami sala ke pambaaraņana, tanata iņgi aņmap kat pa koronj toono kan ta munņaana men.^y ¹⁵Mi sombe tomtom sa tireeti, som tireeti som, ina

^p 6:2 Yo 13:14+; Ro 15:1; 1Kor 9:21; 1Tes 5:14; 1Yo 4:21 ^q 6:3 Ro 12:3; 1Kor 8:2; 2Kor 3:5; Yems 1:26 ^r 6:5 Ro 14:12 ^s 6:6 Ro 15:27; 1Kor 9:7,11,14 ^t 6:7 Lu 16:25; Ro 2:6; 1Kor 6:9; 2Kor 9:6 ^u 6:8 Ro 8:13; Yems 3:18 ^v 6:9 1Kor 15:58; 2Tes 3:13; Tur 2:10
^w 6:10 Ep 2:19; 1Tes 5:15; 1Tim 6:18; 2Pe 1:7 ^x 6:12 Ga 5:11; Pil 3:18
^y 6:14 Ro 6:6; 1Kor 1:31, 2:2; Pil 3:3,7,8

koronj sorok. Pa koronj tamen ta koronj nonoono. Ina uraata ki Anutu ta ikam ti ma tewe poponanda.^z ¹⁶Wal boozomen ta so tipa pai kizin ma titoto zaala ta kembei, na Anutu ko imboro zin ma timbot ambai mi imuḡai zin. Pa ina zin ta Israel nonoono.

¹⁷Iḡgi be anpemet sua tio. Lelej be tomtom sa ikam pataḡana pio mini pepe. Pa zaaba kwoono murinmurin ta imbotmbot la kuliḡ i, ina anḡkam pa Yesu Krisi zaana tau.^a

¹⁸O niom tonmatiziḡ tio, kampeḡana ki Merere kiti Yesu Krisi ko ise tiom. Nonoono.

^z 6:15 1Kor 7:19; 2Kor 5:17; Ga 5:6; Kol 3:11 ^a 6:17 2Kor 4:10, 11:23